



TAPAK 7

Beyonce indang microphone sen \$11,000 agi ayok



TAPAK 9

Mann Ki Baat anener Gun Ki Baat tenzüksüla: Thackeray

VOL. XIV NO. 194 (ADOK 194)

DIMAPUR

THURSDAY

MAY 04, 2017

5.00

May 8, 2017 nü HSLC aser HSSLC results sangdongtsü: NBSE

Dimapur, May 3 (TYO): Nagaland Board of School Education (NBSE)-i ketdangsuä agiba HSLC aser HSSLC Examinations 2017 indang results May 8, 2017 anüingdang sangdongtsü.

Iba osang ya tanü NBSE Chairman, Wt. Asano Sekhose-i metetdaksü.

HSLC aser HSSLC Examinations 2017 indang Result Gazettes ji Board nung züngsema aliba reju ajak dangi yoktsü aser Board indang Office notice board nunga angutsü, ta NBSE sangdong nung ashi.

May 8 nungi 10, 2017 tashi registered institutions nung tekolakpurtemi marksheets aser tanga documents Board ket nungi

agizüksü akok aser tekolakpurtem marutetra, teshimtet nübutem yoktsü akok, ta NBSE Chairman-isa metetdaksü.

Tsünglanglen agüja aliba yimyatem nung results metetdaksütsü.

A. INTERNET:

1. www.nbsenagaland.com
2. www.indiaresults.com
3. www.exametc.com
4. www.examresults.net

B. SMS:

HSLC (Class 10) Examination 2017

SMS - NB10<space>ROLL NUMBER to 54242

HSSLC (Class 12) Examination 2017

SMS - NB12<space>ROLL NUMBER to 54242

Nisung 3 tsüksetba gari puogo

Dimapur, May 03 (TYO): Anogo ishika tejaklen Chumukedima aser Patkai apudong tsüngda gari kati nisung asem tsükseta yutsür ajenba ken o dak sendakba nung police-i gariji puogo, ta tanü Addl. Dy Commissioner of Police/PRO Dimapur, Nagaland-i sangdong ka nung metetdaksü.

"April 30, 2017 nü nisung

tsükseta yutsür ajenba ken o dak sendakba ken o bushisüngdangba mapang, Dimapur Traffic Police-i iba tatalokba nung sendakba gari bushiteta puogo. Gari anisangi Tata Mobile gariji Chathe ayong anasa tzülu ka nung toktsür ao. Gari anisangi tang tashi jenshia senzüdar, saka bushisüngdangba ajanga aibelenerji putettsü imlar," ta sangdong nungsa shia lir.

Ungma nung Moatsü amung



Ar atsütep dang tangokba noksa

Ungma, May 3 (TYO): Ungma Kosasanger Pusu Menden Impangi ayongzüka Moatsü tatembang sentong ka yangi Soyim Aonglenden nung longso tepa mungogo. Iba sentong nung Nagaland Additional Chief Secretary & Finance Commissioner, Wb. Temjen Toy tongti mungsemer ka ama arua benjong tali meraketdaksü.

Temjen Toy-i mapang tatsüka agia jembidang, sobaliba ta kodang südir teti agia Ungma ya tama arur, Ungma nungeri sobaliba wazüka ayuba maparen jenti inyakba ngua pelaba

metetdaksü.

"Tanü kanga kara aoba putu ka nung mekümdangra asen sobaliba tajungtem ya samaa aotsü ana nung lir, anungji, Ungma nungeri anir lanurtem dang asen sobaliba takar ya meranga sayutsüla", ta paisa tayongzüka ka agütsü.

Sentong nung Ungma Impang yimsüsürtemi anir telok balalai akhi asen tsürabur yimya nung sobaliba yar tsüngsang balala aiba den kenten menü tapu balala tena kanga longso tepa aser tatem nung tetsür o tebur na tsüngda arr atsütepa iba benjong temenungratsüka tembang.

NBCC-i "Clean Election Campaign" indang shisatokden agi



May 3, 2017 nü NBCC Platinum Hall nung Clean Election Campaign indang state seminar agidang NBCC General Secretary Rev Dr Zelhou Keyho den tangartem agiba noksa angur.

Kohima, May 3 (TYO): Sangküm küm tetenzüklen Nagaland state nung general election agitsü lia, Nagaland Baptist Church Council (NBCC)-i Bodbarnü Clean Election indang State Level Seminar ka ayonga agiogo.

"Clean election movement ya NBCC-i tenzükba lir aser iba maparen ya political party kar ajanga tenzükba masü mesüra yimten onük tebilemba kecha mali," ta tanü NBCC general secretary, Rev Dr Zelhou Keyho-i okila jembidang ashi.

"Clean Election maparen ya yimtenren telok shinga anema mesüra atema masü. Iba

maparen ya yimten lennirtem anema masü mesüra lennir kar ajungkettsü mesüra laodaktsütsü atema masü, saka kechi shitak ibaji inyaktsü atema lir" ta paisa metetdaksü.

"NBCC-i Election mesüra yimten lennirtem anema nokdakerba masü, saka inyakyim mejungi kümer aliba anema nokdaker. Election dak sendakba maparen ajanga asen state raksatsüba anema onoki tebilemstü abener" ta Rev Dr Zelhou-isa shisem.

Iba inyakyim merüktettsü baji nisung ajak indang tebilemstü aser teinyaktsü lir. Election dak

sendakba inyakyim kanga mejungi kümogo aser iba ya ajanga Naga nungertem alenbangogo aser temenen mapa nung nisungtem alangogo, ta paisa metetdaksü.

"Clean Election maparen ajanga nübertem dang election nung ochimashi anema ola adoktsü tayongzüka agütsür. Iba maparen ajanga public-i pei mulungsentsü agi angateta, sen yong mesüra tanga teyari kecha magii, pei nem temeten agütsüba amshitsü aser shitak o tai bendangtetsü indang tesayuba agütsür" ta NBCC General Secretary-isa ashi.

(Maneni tapak 12 nung...)

Deo Nukhu-i 'foreign trade' shisadokten lapoktsü

Kohima, May 03 (TYO): May 03, 2017 nü Hotel Acacia, Kohima nung Confederation of Indian Industry-i ayonga 'Opportunities and challenges in Foreign Trade' seminar ka kaogo, aser tetenzük sentong nung tongti tesemdanggerji Higher & Technical Education Nagaland Parliamentary Secretary, Deo Nukhu liasü.

Tongti tesemdanggerji o jembidang pai entrepreneurs aser shishilembartem dang, Nagaland

asere Northeast terenlok atema local products export aser import nung rangloker inyaktsüla, koba ajanga alima jenjang nung tangar dena tokteptetsü, ta ajungshi.

Iba dak sendakba nung pai tim department aser agency tem dang, item ama products tangaleni yoktetsüsa global markets bushitsü ajungshi.

India sorkar mapatongji Myanmar ajangdanga India aser Thailand na International highway agi sendakteptsü aser

tayimtsü connectivity atema inyaker, ta metetdakja Deo Nukhu-i, entrepreneurs aser shishilembartem atema shishilembaba jenjang aintsüji ana nung lir, ta metetdaksü.


Tang tagidak seminar ya tenük lapoktsüba seminar ka lir, ta shia Deo-i, iba ya ajanga tongtibang sendaktepa alirtemi international shishilembaba, talisa South East Region indang onük balala rajema akümtsü imlar, ta ashi.

(Maneni tapak 12 nung...)

Moatsü ya tesendaktep aser yimjung yangluba mapang

Chuchuyimlang, May 3 (TYO): Chuchuyimlang yimdak küm shia Moatsü benjong munga arur, aji oda, taküma Moatsü sentong tajung ka Anü Mai Amphitheatre nung ayongzüka mungogo. Iba sentong nung Chuchuyimlang den kidanger Ao yim aser kishikinar kin balala nungi jaoka shilem balala agia kanga longsoa benjongtepogo.

Sentong nung Yaongyimchen yim (Phom), Moluyangpong Cultural Club Yaongyimsen, Chungliyimti yim (Sangtam), Yaongyimti New (Chang) aser Chuchuyimlang nung aliba National Institute of E-Learning & Information Technology nung azüngertem aser Medemsanger telok nungertem akhi tetsü tebou yimya nung sobusolemstü agir sobaliba kenten menü aser yar



T Imkonglemba IAS

tsüngsang tapu balala ia sayuba ajanga benjongmungertem tzüratemdaksü.

Iba sentong nung tongti tesemdanggerji Agriculture Production Commissioner, Commissioner & Secretary, Agriculture (Govt. of Nagaland),

Wb. T. Imkonglemba IAS-i jembidang, Moatsü benjong ya takar-makar, tashir-mashir, tulutila ajak pelatepa amungba mapang, aser iba mapang ya temba-tinutem jaoka tesendaktep yanglushiba aser yimtsüngtem den yimjung yangluba mapang ka lir, ta ashi.

Benjongbentsü mapang yimtsüng balala den tesendaktep aser yimjung yangluba maparen ya jangratemstü asen sobaliba maparen tajung ka lir, tang koda kidanger yimtsüngtem den putepa arudaki iba alenshitepa maparen ya maneni inyaktsüla, ta paisa lanu putu nem inyakdaksünüba olen ka ashi. "Kati ka dang taoba ta agizüktepa alitsü baji koda tongtibang lir", ta paisa shisem.

(Maneni tapak 11 nung...)

Dmr nung kaketshirtemi Smoke free jilushi ai



Dimapur, May 03 (TYO): metetdaksütsü atema lir, iba den külemi moko achirtemi lokti dak sendakba nung May 03, 2017 nü Govt. Higher Secondary School Dimapur kaketshirtemi DC office compound aser NST Bus station nung jilushi sentong (street play) agiogo.

Street play nükjidong ya, lokti aliba tesemtem nung moko achiba nokdangba ozüing nung shilem agiba atema pelaba lemsatep.



Mokokchung, May 03, 2017: Bodhbarnü Anglers Association Nagaland (AAN) aser Anglers Association Mokokchung (AAM) senteper ketdangsuba kübok state fisheries department-i Chuchuyimpang yimdak Amoklushi awatsung nung anggo tila pouktsüba sentong nung tangokba noksa ka angur. Mokokchung district nung Amoklushi ya awatsung tulutiba lir (natural lake) aser district nung anggo mesürtem/angopurtem atema nungtugu tesem rongnung ka lir. Iba dak sendakba nung AAM-i District Fisheries Officer, Imtisunep-i anggo tila angati agütsüba aser AAN-i iba sentong achaayangba atema pelaba lemsatepogo.

NAAC-i Kohima Science College nem A Grade agütsü

Dimapur, May 03 (TYO): A++ Grade agütsü. B, C mesüra D agütsür. May 02, 2017 nü Standing Committee of National Assessment and Accreditation Council (NAAC), Bangalore 24buba senden nung Kohima Science College, Jotsoma (KSCJ) nem A Grade den 3.42 Cumulative Grade Point Average (CGPA) agütsü.

CGPA ya grading system tasenba lir aser iba ya 2016 küm July mezüingnü nungi mapa küma inyaker.

Iba mapang nungjagi tenzüka NAAC-i India nung college 1,235 tashi asadangogo. Item rongnung jagi college 343 nem grade A mesüra iba dang temaba agütsü, aser iba nungji Grade A nung college 302 lir, college 39 nem A+, aser colleges 2 nem

Tang NAAC-i sangdongba tarensen nung Kohima Science College, Jotsoma ji linük nung jenjang 46buba nung lir, aser India nung college tajungtiba shilem 4 rongnung densema lir. Tang KSCJ ya India Eastern aser North-Eastern region nung jenjang 6buba nung lir aser North-East nung Cotton College, Guwahati aser Pachhunga University College, Aizawl na sülenbo jenjang 3buba nung KSCJ lir.

NAAC indang grading system tasenba nung CGPA 3.01-3.50 anguba college nem grade A agütsür, 3.51-3.75 angur nem grade A+ aser 3.76-4.00 angur nem grade A++ agütsür. Ano below 3 points anguba college tem nem grade B++, B+,

Ano District Nodal Officer NTCP, Dr C Tetseo-ia Govt Higher Secondary School Principal, tesayurtem aser kaketshirtemi iba maparen nung amalitepa inyakba atema pelaba lemsatepba den külemi tanga tobacco free kaket rijutemia kasaji inyaksü tayongzüka agütsü.

GOVERNMENT OF NAGALAND
DIRECTORATE OF HIGHER EDUCATION
NAGALAND : KOHIMA

Dated Kohima, the 3rd May 2017

NOTIFICATION FOR NEW HOSTEL REGISTRATION

It is hereby notified to all the concerned seeking for new hostel registration under the Directorate of Higher Education that the Hostel Eligibility Certificate forms shall be issued from **8th to 20th May 2017**. Therefore, all the interested applicants are hereby informed to come and collect the forms within the stipulated date as mentioned. Hostel Owner's whose Eligibility Certificates has been submitted for renewal and yet to be collected are informed to collect the same on or before **20th May 2017** after which, the Department will not be held responsible for any loss.

[Signature]
KUHOLI CHISHI
DIRECTOR
HIGHER EDUCATION

Issued by: DIPR

NAPAD-i scheme teyari agütsü sangdonger

Dimapur, May 03 (TYO): madener).

Commissioner of Disabilities, Nagaland den Nagaland Parents Association for the Disabled (NAPAD)-i Kohima district nung mata mabensarterm aser parnok tsüraburtem, anepalurtem, kinüingertem aser matamabensarterm indang melungtet teloktem dang Health Insurance Cover indang scheme agütsü metetdaksüogo.

Iba scheme atema nungdakba kulikakettemji:-

1. Duly filled & signed Proposal Form.
2. Kibong züngsem shia Passport size Photo 2 (ana) aser Government ID Proof-Aadhar Card, Voters ID, Driving License.
3. Proposer-i total premium sen 3100 nungi shilem 10 agütsütsüsa akumtsü, iba scheme kübok Service Tax-sen 360/- (Sen 310 den Service Tax).
4. Cancelled Cheque copy mesüra IFSC Code den Bank Account No.
5. Disability Certificate. Proposal Form den nungdakba documents agütsütsü atema tatembangbuba anogoji May 20, 2017 nü asütsü.

Osang tejangja atema mesüra metetpelatsü atema NAPAD Secretary, Kapochu-o (Mob. No. 9856683130) aser NAPAD Office Assistant, Phisalu (Mob. No. 8974658119) ajanga tongtepratepsü akok.

Iba dak sendakba nung Commissioner of Disabilities, Nagaland aser NAPAD-i matamabensarterm, shirnok tenük tapok, tenük majung, Leprosy-Cured, tenarong timtem, Loco- Motor Disabilities, tekolok meshidak aser mental timtem lir, parnok dang iba scheme teyari agütsü metetdaksüogo. (iba scheme kübok multiple Disabilities, Cerebral Palsy aser Autism bo

AR-i NSCN(K) züngsem ka apu

Dimapur, May 03 (TYO): Osang ka lazükba sülen May 01, 2017 nü 41 Assam Rifles den police-i 5th Mile, Dimapur tesem mita aodang Assam Rifles sepaitemi nisung ka ket nungi Pt 22 mm Pistol den magazine aser injang asem den NSCN/ GPRN (K) indang blank cash receipt ka apu, ta tanü Lt Col Amitabh Sharma PRO, HQ IGAR (North)-i AR sangdong ka nung metetdaksü.

Iba nisungbaji Akuluto village, Zunheboto District nungi Dimapur & Kohima region nung NSCN (K) Finance Secretary, arishi küm 32, Inovi Avika Assumi lir, ta kasa sangdong nungsa shia lir. Pai tesüiba anogo ishika tsüingda Dimapur, Chumukedima aser Kohima nung aliba gari showrooms balala dang nungi sen khangogo ta nangzüko. Pa den pistol aser injangji Diphupar Police Station, Dimapur ket nung agütsüogo, ta Assam Rifles sangdong nungsa shia lir.



May 02, 2017 nü "Telongjem aser Yimjung asoshi Sobaliba Asentenshi" omen nung ajemdaker Yaongyimsen Moatsümong - 2017 kanga junga takok ngua mungogo. Abelen noksa nung Tongti tesemdang, Wb. Eshak Konyak, Parliamentary Secretary Art & Culture, Govt. of Nagaland, tiyong noksa nung Moatsümongertem aser achijilen noksa nung Tongti o jembir, Wb. R. C. Tocy, Retd. Asstt. Director, School Education nung angur.

Guwahati kübok Ambari tesem nung ki 40 rongtok



Guwahati, May 3 (Agencies): Mongolbarnü nikongtsütsü Guwahati kübok Ambari tesem nung SK Bhuyan lenmang anasa mi tesashi adoka ki 40 dak tali rongdokogo. Iba lendong ajanga kibong aika talidak makai kümogo, ajisaka tang tashi nung nisung asüba osangbo kecha mali.

District ketdangsertem, police aser 'Fire fighting' ketdangsertemi miji cylinder apokba ajanga adok, ta temolung melemi bilemba metetdaksü. Iba lendong

ajanga kiojen aser osettsüset lakh aika jengang mitsü küma rongtokogo.

Iba tesem nung alirtem ya anogoshia pei poksung aazüka chiyongertem dang lir. nüburtem iba mi lendong nung pei taküm kümzükba dak alaka osettsüset kecha magizükteti rongtokdaksü.

Osang ajanga ashiba agi, Nasir Hussain taser nisung kati iba tesem nung tetuyuba shidak manidaki ki yanglua idakji taa aküja alitsü asoshi ki nisungtemnem agütsür aser

paisa ozüng alima LPG cylinder tem bendena ayur. Lenmang kanga mesüa aliba ajanga mi remseptsü asoshi gari 14 tashi iba tesemi aotsü kanga saka liasü

Mi remsepertemi aonung 8:30 tashi nung mi remsep. Maneni iba tesem meketa aliba nüburtemia mi lendong nung densemba nüburtem atema tzü aser chiyongsü agi teyari agüja liasü. Mi lendong nung densemba nüburtem Kamrup Academy School aser Assam Textile Institute nung jenoka lir.

Tripura nung tzünglu ajanga tsünütsü/aonsotsü sen crore 50 alang raksatsüogo

Agartala, May 3 (Agencies): Taoba ita yipru aser tzünglu kanga sashia aruba ajanga Tripura nung tsünütsü/aonsotsü aser kiojen aika raksago. Mongolbarnü Planning & coordination department ketdangsertemi ashiba agi, alu nung tsünütsü/aonsotsütem nung teraksa adokba jengang sükdangra crore 50 shi asütsü.

Tsünütsü/aonsotsütem tarutsü lia raksakbatem asadangra sen jengang crore 28 shi adoktsü.

State sorkari asadanga nung ngutetba agi, Tsünütsü/aonsotsütem ali hectar 28,000 dak tali nung adoka alibatem tzünglu aser mopung tesashi ajanga merutetsüsa raksatsüogo.

Tzünglu aser mopung tesashi ajanga Sepahijala, Gomati aser south Tripura district tem nung teraksa tulu adokogo, saka tanga district tem nungbo teraksabo kangabo

meliasü. Kasa mapang nung tokong lu tem nunga teraksa adoka liasü.

"Iba dak sendakba nung insurance company temi 'Prime Minister's Fasal Bima Yojana' sentong kübok tsünütsü/aonsotsütem nung teraksa adokba atema 'insurance' sen agütsütsü atsüayongba ajanga timtem adoker," ta Debbarma-i ashi.

Tribals tem 8,000 tang tashi tekong lu ayimba nung medaloker alir aser tenem lima nung alirtem parnok tang tashi au agi yangluba ki nung lidar. "Onoki 2015-2016 küm 'jhumias' pur ki yanglushitsü atema project report tejangja Centre nem agütsüogo aser Centre-i ki shia atema sen 75,000 dang agütsü. Centre-i sen teyari agütsüba ajanga meperiba agi, ki shia lakh 1.30 meshisemogo aser sen sanction asü atadar.

Minister-i ashiba agi,

tzünglu ajanga electricity nunga timtem adokdaksüogo. Iba ajanga maneni tongtibang tesem aika nung power supply nung timtem adokogo. Tzünglu ajanga ano kiojen, lenmang, arem nung takoksa adokdaksüba metetdaksü.

Kasa mapang nung taoba hopta tzünglu kanga adonga aruba ajanga Arunachal kübok Lower Dibang Valley nung lenmang aser aputem raksaba ajanga nüburtem senzusenpong mesademi akümba, Dambuk ADC Atul Tayeng-i metetdaksü.

Lenmang aser apu mapang shidak nung meyanglushira nüburtem asoshi chiajemtsü anünga akümstü. Pai Dambuk aser Paglam nung aliba nüburtem atema helicopter ajanga teyari agütsütsü asoshi tebilemdangba lemsatop. Iba dak sendakba nung district ketdangsertemi asadangdar, ta osang ajanga metetdaksü.



Kokrajhar (Assam), May 03, 2017: Serfanguri, Kokrajhar nung amry aser Assam police sentper telungpur mita aodang KLO telungpur asem aser parnok ket nungi prangpong, grenade aser injang ngutetba noksa nung angur.

UPLA telungpur asem Sibsagar district nung apu

Guwahati, May 3 (Agencies): Security force temi Bodhbarnü United People's Liberation Army (UPLA) telungpur asem ket nung prangpong aser injanga bener lia Assam kübok Sivsagar district nung apuba ketdangsertemi metetdaksü.

Itangiterem nungi osang tejangja ka angazükba sülen police temi upper Assam district kübok Moran tesem meita aoba mapang telungpurtem rongnung tetsür ka densema parnok asem apu.

Telungpur parnok asemji Longri Teron, Bijoy Engti aser Kangru Teronpi ta jangjaogo.

Police temi parnok ket nungi point 22 pistol, 7.62 mm pistol, injang 13 aser tashishitsü kaketterem nguteta apu.

United People's Liberation Army (UPLA) ya Karbi nunger telungpur telok rongnung ka lir aser iba telok ya 2014 küm kümtet. Iba telok ya Karbi Anglong, Dima Hasao, Nagaon aser Golaghat district tem nung kanga bolua lir.

Meghalaya nung tesayurtem itasen ajungkettsü

Shillong, May 2 (Agencies): Meghalaya State cabinet ajanga school managing committees (SMCs) nem teyari agütsütsü benoka aliba nung, tesayurtem jengang balala nung alibatem itasen noklang nung noklang shilem ajungkettsü asoshi telemtetba agiogo.

Iba telemtetba osang cabinet senden temli Chief Minister, Dr Mukul Sangma-i metetdaksü.

Directorate of School Education and Literacy (DSEL) ajanga school managing committees (SMCs) tem nem teyari agütsütsü benokba nung tesayurtem jengang balala nung alibatem itasen noklang nung

noklang shilem ajungkettsü asoshi telemtetba cabinete-i agiba Dr. Sangma-i metetdaksü. Paisa ashiba agi, iba telemtetba ya 2017 January 1nü nungi tenzüka agütsütsü aser iba ya mapa küma inyaka aotsü atema sen crore 63.34 shi nungdaksü.

Tesayur telemsa rongnung lower primary tesayur 2450, upper primary 2532, SSA school tem nung tesayur 1521 aser Hindi tesayur 844 densema lir.

State sorkari temalen secondary aser higher secondary adhoc school tesayurtem itasen ajungkettsüa liasü.



Guwahati, May 3: Mongolbar aonung Assam Public Service Commission (APSC) kübok mapa balala atema sübokrem agütsüba dak sendakba nung Assam Civil Service (ACS) ketdangser asem police-i puogo. Circle officer jengang nung aliba ACS ketdangser asem; Bhaskarjyoti Dev Sharma, Bhaskar Dutta aser Amit Sharma Dibrugarh police-i puogo.

Mapa ayokba ken o nung Assam Civil Service cadre asem apu

Guwahati, May 03 (Agencies): Assam Public Service Commission (APSC) nung mapa agütsütsü asoshi sen amshiba ken o nung Assam Police temi bushisingdangba sülen Assam Civil Service cadre asem lenmang tai len nungi mapa anguba ajanga apu.

State sorkar indang civil, police, revenue aser judiciary department nung mapa inyaksü asoshi APSC ajanga nisung shimer aser iba commission ya ochi mashi sübokrem mapa agi sünger lia taoba küm 'dental surgeon' ka nem mapa agütsütsü asoshi sen meshiba ken o nung assistant engineer ka apuba sülen ken o aika temai adok.

State sorkar mapa atema nisung shimba nung ozüng alema tim mesüi inyakba ken o nung police temi APSC mendenbuba, Rakesh Paul-a pua lir.

"Guwahati nung Paul'er ki mita bushiba mapang civil service tatidang indang telangzüba kaketer asem ngutet. Forensic tetendangba ajanga item kaketer nung 'handwriting' jangja aser ACS ketdangser asem, Bhaskar Jyoti Devasarma, Bhaskar Dutta aser Amit Sarma puogo," ta iba ken o bushisingdang police ketdangser kati ashi.

Item ketdangser asem pua aliba dang ya Assam Police battalion headquarter nung asüngdangya süogo aser court-i tanü anir aotsü. Sorkar nungi temelaba agir item ACS ketdangser asem ya apu.

"Rakesh Paul nem sen agüja mapa alizükba ken o nung par asem ya onoki apu. Ano maneni ketdangser asem indang telangzüba kaketer tem Paul'er kidang nungi nguteta lir aser parnoka yakta aputsü," ta police ketdangseri ashi.



TIR YIMYIM YIMOBILEM (EDITORIAL)

DIMAPUR THURSDAY, MAY 04, 2017

Takar mekümdaktsür

Tebok masünga meyuutsü aser talilaa mekadaktsütsü saka teti parnok teyari medenibo kecha meinyaktetsüsaba tia ka nung yimten lenirtem aikati nübortem yuutsü meranger. Iba ama tia ka nung ali nung dang nübortemi parnok akümtsüba tashi angatsü ta yimsüsürtemi bilemer. Ibaji kidang kiburi kiset shiruru metsüba amai lir. Anogo shia tebok sünga agütsür asünungji temeimbo meimer amai saka iba jagi taküm ka jangratema lia aotsü asoshi alimai yokba nükjidongbo mataloker. Tanü Nagaland nung Naga nunger aika iba tia nungji tasüa masür aser taina mainer ta alar-a masü kibura masü ta tom nung tepuokdak ayu ama aliba angur. Iba kasa tia nung public-tembo yuutsür political party tapu balala nung lenirtem taküm aser kibong tia repringdangra parnoksasa parnok nungdakang meperitet timtemba angur. Aji oda, 'public leaders' ta ajaba purtemang timtatamba aser public-temang timtatamba ta aliba tia ka nung election ka aruli, idangji khen longsutepli, ano election ka aruli ta longsulongpena election tenüng nung party worker-tema sen terara amshiba dak alaka election tatem senotsüa tatem, joko asüng nungibo meshimetsülen senzütsü ta asüba tia ka nung alitsüsa party worker-temjia yangluja lir. Aji oda, election nung tongti shilem agia arurbo joko küm metsü-semer ajunger, saka pei kibong dena anepalu mesütet sensaker ta asüba public leaders aika lir. Ibaji public mechi timatemer masü saka peisasa pei timatemer, kechiyong iba tia nung alitsüsa parnok lenirtemi parnokji alena lir. Ibaji metetsüla. Political party nung public leader-temji public yaritsü purtem, ajisüaka parnoka parnoksasa meyaritet nungbo, parnoki nübortembo meyaritettsü. Iba tia nung tanü Naga nunger nübortem repringtsü lenir aser yimsüsürtema mali ama kibong aika alaashidagi. Ibaji odangbo masü, kechiyong nübortem iba tia nung alitsüsa yimsüsürtemi toktsür. Ibaji parnok sentong aser parnok tangatetba balaka nung metetsümonga yamaji inyaker. Nübortem nungdak peria kara aser nübortema pei tebok atema dang masü saka tangar kija kibong, yimten aser lokti yaritettsüsa lira, talisa election mapang nung parnokji sen agi malitettsü. Aji oda, election mapang nübortem sen agi malitetra tanü ama sen agi sen melentsü atema electioni aiertembo madoktsü aser adokyonga pei sünütsü süa nübortem meyong senotsü mamshitetsü. Atangji, pei kübok tashi angaa ayutsü atema yimsüsür karibo nübortem nem kani chidaktsür, ano karibo yi jemdaktsür aser karibo sen aatsüba lenmang masü saka mapang mapang shia sen terara agütsür. Item jagi nübortembo tepelashi saka parnok shitakba jengangjibo kiset shiruru jengang nung lir, anungji kiburi kodang chinüdir achitsü aser kodang yoknüdir ayoktsü mesüra tangar nema agütsütsü akok. Joko, taküma election mapang atongerji party worker-tembo gari tejen kakabo angutsüa akok. Aji oda, kanga nungdakba pur süra gari tasena angutsü aser lanur lenirtema motor bike aser mobile set angutsü. Iba amaji sen aginür sen aser oset aginür oset aser mapa aginür mapa ta agütsütsüa akok. Idangjibo, party worker-temi anir nübortem ajunga tejembidang majung, alima ajak alizüka ayu ama bilema ngasangatemteptsü. Iba amaji lia election süitsü, takoker Kohimai aotsü aser makokertem electioni meidang ama nübortem asoshi kenüa mapang magütsütsü aser Kohima nung tadoker dena nübortemi majuruteptetsü. Iba amaji lia party workers, tanishirtem aser nübortem arishi süitemer. Joko, party nung lenirtemia aser nübortemia yimsüsür aser lenirtem mulungjang metetsüla. Election-i aidang party leaders aser nübortem nem agütsüba sen ya tsümartem dang nungi meshia agütsür aser election temer külen asenok tenüng nung aruba senotsü, teyari aser contract aser supply mapa ajak parnok nemsä agütsür. Iba amajisa longpet alongdang Naga nunger menüngreper. Aji oda, semchirsemmur tashi azükarua jangratema lia aotsü atema tanü asenoki khen vote mayok aremtsüla, khen makamait arema kechi shitak aji inyaktsüla aser temetenbo kecha marendaki jembitettsüsa asenok alitsüla. Iba jagi dang asenok nüji küma takar akümtsü.

OLEMSABANG

North East India nung aliba nüburtem atema Cancer tashidak

~ L. Kika Pongener, Aoyimküm, Dimapur.

(Yashi adok nungi...)

Anungji ibala tashidak nungi taneptsü angutsü mozü tajungtibaji Inner Line Permit (ILP) ya sorkar ketdangsertem aser ozüng ammertemi anir lanur telongjem-temi tang nungi kanga sashia repringtsüla aser tekaratiba nung tim teinkyaktsü mapa kar inyaktsüla. Tongtipangsa jila shia süngküm anükertemi (Check post) kanga sashia mita repringtsüla.

2013 küm election nung NPF Party Manifesto nung tongtipangba onükji iba "Influx of illegal Bangladeshi Immigrants" ya liasü. Aser nübortemi NPF Party nem absolute majority mandate agüja adokdaktsü. Sürabang NPF sorkar joko asemen term maneni sorkar abener, anungji iba ILP issue ya süoki ia khenbo Assembly nunga süoka jembir mapa küma inyakdar minyaker ? Asen nüburtem atema terenlok mapa kanga tongtipang, saka ano iba yaa zübazüba metoktsüi temulong agüja nendaka nendaka inyaktsü kangasa tongtipang lir. Kechiba süra iba ya menokdangi zübazüba toktsüra kopi melii asen lisopur asen lima nung talitsü mesademsü, asen lisopur aayangdak makatsü, lisopur kaketshirtem zünger mapa mangur tali züintsü, tashiyim mapa tali züintsü aser rakzükraktermer tali tali züintsü, nütsüng nübo tali tali züina aotsü, ajisüaka ali-aremba kodanga talila merenloktsü, aser kodang asen lima nung bendanger tali tali senoka aitdaktsüdir asenok talitsü aser alu-ayimtsü ali aser arem agi meperitsü aser chiyungtsü nungi tenzüker libaliro ajak nung meperitsü. Ano aji dang masü kopi meli-i jila-tem nungbo yimsüsüba menden tashi asen lisopur den rakteptsüsaka tensa mapangi bentsür arutsü. Anungji asenok lisopurtemi kanga süoki ia arok-aroka shisadangdanga bilemdanger inyaktsüba mapa tongtipang kaji, item nisungtem yagi parnok asen lima nung shishilembaba mapa sademsadema inyaktsü mechi asen Nagatsür den kibalembutsü kanga meranger aser rongsen intok mesasai lenmang tapu balala, tasa tapu tapu agi mesüzüktsü kanga meranger. Asen Naga nunger kin karbo item kin den ya mashibangi kibalembuba-a lir, anungji kokrabangla yimtsüng shia nung yimden yimsüsürtemi item nisung den kibalembu masütsü atema temzüng-ozüng tesashi yanglutsü kanga nungdaka kümogo ta bilemer. Anungji iba ya zübazülema metoktsüi sorkar ketdangsertem, ozüng ammertem, lokti tentet-tem (NGOs) aser tongtipangsa Naga nunger kin shia Lanur Telongjemtemi kanga süoki ia temulong agüja inyaktsü mapang tongja tongogo. Aji oda, iba ya temulong magütsüi zübazüba toktsüra asen anasa aliba kidang- kiyonger Tripura, Assam aser Meghalaya nunger timatamba cancer tashidak yagi asenok-a kopi meli-i atongtsü ana nung lir. Anungji iba tebilemstü ya asenok ajaki süoki ia bilema inyaktsüla aser arok külem khuret asütsüla-a ta tazüngertem den iba ocet ajanga lemsateper.

Iba Olemsabang nung lemsaba ken-o aser shisatsü ya iba ocet zülur-i bilemba ken-o ama tazünger-i angateta agitsü mepishir

North Korea & U.S onük ya Tatembang Anogotem den kasa lir:Greg Laurie



Washington, May 3 (Agencies): Riverside, California nung aliba Harvest Christian Fellowship nung Pastor Greg Laurie-i, United States aser North Korea tsüngda 'nuclear war' lendong ya Laishiba nung Tatembang Anogotem indang shia aliba den kasa lir, ta metetdaksüogo.

"Tawa North Korea den mangatetep tulu küma ogo aser North Korean dictator Kim Jong Un-i nuclear tashi amshia U.S amaktsü ta amokmerenbaji zübazüba meyutsütsüla" ta Laurie-i ashi.

"Laishiba nung Tatembang Anogotem nung North Korea mesükba linük tetshia mal. Ajsüaka, Iran linükbo tetshia lir aser parnoki North Korea nungi prangpong-injangtem alizüksü akok" ta paisa shisem.

"Tatembang Anogotem indang shia aliba nung alima nung tashitaitiba linük indang

shia mali aser iba atema ni shisabulua bilemer. Tanga linüktem indangbo shia, anungji America kong lir? Asenok nuclear mangatetep ka nung adenba ajanga asenok iba noksa nung madentsüsa tensa tajurudaktsü ta ni sarasademer" ta Laurie-isa metetdaksü.

Taküm National Day of Prayer atema Pastor Greg Laurie-i White House maparen aika nung shilem agitsü aser paisa America nunger dang President Donald Trump aser linük atema sarasademtsü ayongzük.

"Nenoki pa nem vote agütsü asütsü akok mesüra magütsü alitsü saka Tatembang Anogotem nung telemtetba shitak agitsü atema Tsüngremi yariang ta sarasademjang," ta paisa ashi.

U.S. aser North Korea tsüngda mangatetep tuluba kümogo aser Mongulbarnü

North Korea media ajanga America amokmeren.

America nunger mitkartemi mapa inyakba ajanga nuclear rara adoktsü aser onoki iba mapangji ajurutsü atar, kechiyong onoki U.S. linük auyi küma samatsütsü, ta North Korea-i metetdaksü.

Taküm April ita tetenzüklen North Korea atema otongdar kati U.S-i inyaksangshiba ajanga rara tulu adoktsü saka onoki raratsü atema renema lir ta ashi.

Taoba hopta tu President Trump-ia North Korea den rara tulu raratsü akok ta ashi aser Secretary of State Rex Tillerson-ia mitkartem tsüngda raratsü ana nung lir ta metetdaksüogo.

Taoba Honibarnü Pope Francis-i linük anaprong dang rara madoktsü atema diplomacy inyakyim ajanga angatetteptsü ayongzükogo.

Khristan Bakery kati 'gay couple' atema cake meyanglutsü

London, May 3 (Agencies): Tebur o tebur kiyimba sentong ka atema cake meyanglutsütsü ta Khristan apuani kati ashiba ajanga tanga ashishitep ken o ka adokogo.

Northern Ireland nung McArthur apuani nati Ashers Baking Co. lapoka lir aser tenati taoba mapang Gareth Lee o pa tetong na kiyimba sentong atema wedding cake yanglutsü asüngdangba magizük, ta Christian Today ajanga metetdaksü.

Tang-a McArthur apuani nati Joe Palmer aser pa partner

Andy Wong na aniasüngba sentong atema cake yanglutsü asüngdangba magizük.

Joe aser Andy na medemer Grainne McCann-i online ajanga cake yanglutsü asüngdang aser pai cake nungji "Gay marriage rocks! Happy engagement, Andy and Joe! Lots of love xxx" ta zülutsü asüngdang.

Mezüngbo cake yanglutsü asüngdangbaji agizük saka tatsüka lir la dangi cake yanglutsü asüngdangbaji magizüker ta shia sen meyipa yok, ta McCann-i osangbener

dang ashi.

Tatem nung Joe aser Andy nati tanga bakery ka nungi cake ji order asü.

"Ni London nung aliba atema kanga pelar. Ashers-i cake yanglutsü amgizükba atema ni mepelar saka Londoncakes.com ajanga cake ji temeim agi yanglutsü" ta Palmer-isa ashi.

McCann, Joe aser Andy nungertemi McArthurs anema ken o mebenoktsü ta ashi, saka taoba mapang Gareth Lee-i benokba ken o ji Supreme Court atongtsü akok.



Küm aika Youth Harvest Ministry nung gari nüngdaka sarasadema ataba mapang Wb. N.Lanu Chuchuyimpang (Mkg) aser par kibongi Ecco van tasen ka Youth Harvest Ministry nem tenla agütsüba asoshi adianu N. Lanu dang kanga pelar, aser par chirnur, Asangla, Meren aser Tsuknungba nunger dang, nenok temeim tenla aser sarasadem teyari tulu asoshi Youth Harvest Ministry Staff aser students-i kanga pelaba metetdaksür. Tsüngremi nenok taküm aser mapa tali moajangma. Tsüngrem nem tenüngsang tulu agütsür, ta Youth Harvest Ministry, Shekina Cove, Dimapur-i sangdong ka nung metetdaksü.

ANOGO ABEN TSÜNGREM DEN

CHIRNURJI KIBUBA NUNGI ANGUBA SENMANG

"Angang, chirnurji Kibuba nungi anguba senmang lir: Aser nu menden nungi tejangji pa tajangzük lir" - T.Ken 127:3

Alima nung senmang aika lir. Tsürabur senmang ya asenok sobaliba nung tongtibang ka ama amshia arur. Saka asenoki metettsüba kaji senmang ajak ya Tsüngrem meyong aserpai agütsüba lir. Asenok asoshi senmang tongtibang kaji Tsüngremi asenok nem chirnur moatsüba ya ka lir. Atangji, tanü tsüraburtem, shirnoksa Tsüngremi asenok nem chirnur moaja lir asenoki Tsüngrem nem tenüngsang agütsüdi, kechiaser iba ya Tsüngremi asenok nem agütsüba senmang ka lir.

Tanü asenok tsürapurtemi chirnurtem ya, Tsüngrem tesayuba aser Pa O nung asenoki aser tanela nung mesamai indaktsütsüla. Tazüngkünem 6:7 yamai ashir; "Itemji nai ner chirnur dang nentaka sayuang, aser na kidang mena alidang, aser na lenmang nung jajadang, aser na mejangdang, aser na shishidang item indang jembiang, aser nai itemji temaitsü asütsü nü ket nung alenokang. aser itemji ne teniasü nung temaitsü asoshi alitsü"

SARASADEM:

Kibuba, Nü senmang koba chirnur nai moaja lir, Onoki nü dang pelar. Amen



North East nungi mezüngbuba Controller General of Accounts (CGA) Mizo nunger Anthony Lianzuala-i mapa tasen agizükdang agiba noksa angur. Pa indang office nung President aser Prime Minister na frame tsüngda kangki ayubaji asenok asoshi tatishitsü tajung asütsü. Asenokbo aikati Delhi atongdangbo Yisu amadoker. May 1, 2017 nungi Anthony-i CGA mapa inyaktsü tenzük. Taoba mapang pai Central Board of Direct Taxes (CBDT), Ministry of Information and Broadcasting, Ministry of Consumer Affairs, Food and Public Distribution, Ministry of Commerce aser Ministry of Rural Development nung mapa balala inyakogo.

Mumbai nung kangki ka raksatsüba atema Khristantemi lungkak ait



May 3, 2017 nü Mumbai nung tetsür kati BMC-i raksatsüba kangki nung ametba noksa nung angur.

Mumbai, May 3 (TYO): Taoba hopta Mumbai kübok Bandra nung Brihanmumbai Municipal Corporation (BMC)-i kangki ka raksatsü aser iba atema Bodbarnü Khristantemi lungkak aitba sentong ka ayongzüka agi.

November 2017 matongdang ozüng alema yanglua aliba tamangba yimsü dak sendakba nüngshilung aser kiojentem agienang ta Bombay High Court-i tetuyuba ka agütsüba sülen Honibarnü Brihanmumbai Municipal Corporation (BMC)-i Bazar Road nung kangki ka agien.

Ajsüaka, Khristantemi ashiba agi, iba kangkiji nija li nung yangluba liasü.

Iba kangkiji 'public property'

nung yangluba masü ta shia tanü Khristantemi BMC indang West ward office nung lungkak ait.

Parnoki Assistant Municipal Commissioner Sharad Ugade anema yimyim ayim aser pa mapa belenang ta takhangba agütsü.

BMC-i inyakba mapa ajanga onok tamangertem temulung yirutsüogo, ta lungkak aiter rongnung activist Nicholas Almeida-i ashi.

Bombay Catholic Sabha, Watchdog Foundation, Bombay East Indian Association aser Save Our Land teloktemi Assistant Municipal Commissioner mapa belentsü aser raksatsüba tesem nung kangki ka yanglutsü atema online petition tenzükogo.

OLONG PAITEP # 4411

	1			2		3		4	
	5								
						6			7
8				9					
10		11		12					
									13
				14		15		16	
17									
				18					
19									

TIPILEN		LANGTSÜNGLEN	
3. Tetenzük masü	- (5)	1. Nguyutep	- (5)
5. Tebur chanu	- (6)	2. Tetsüng agi ao	- (4)
6. Temeshi lima	- (5)	3. Tajungba akümtsü merang	- (6)
8. Tsük benden	- (3)	4. Temokong masü	- (6)
9. Mitsü	- (3)	7. Saku	- (4)
11. Shiruru alidak	- (7)	10. Lema agütsü	- (4)
14. Aginüdaksü	- (3)	11. Kioktsü yangluba tetong	- (6)
16. Shishilemba dang amshiba	- (3)	12. Tzü mamongba süngo tou	- (6)
17. Süngküm	- (5)	13. Aoer tokolak sobutsü	- (5)
18. Tenüng majung	- (6)	15. Alia	- (4)
19. Temzüng	- (5)		

OLONG PAITEP # 4410 TELANGZÜBA

TIPILEN :	LANGTSÜNGLEN :
1. Tetsüngda 4. Aja 5. Tepin	1. Tajak 2. Shi 3. Aginü 6. Anus
7. Kinungtsü 10. Kishikina 12. Olulu	8. Nai 9. Tain 10. Kilem 11. Ajanga
14. Lao 15. Mangayang	13. Suy

NAGALAND BOARD OF SCHOOL EDUCATION TATIDANG CLASS 10 & 11 RESULT 2017 :

Ma'am, NBSE result 2017 ya kecha memiimshi dang yimjak nung hopta ka jilia sangdong nunga onok tsürabur dena shisabulu malitsü. Tanga NE state tem nungbo anogo dang masü mapang (Time) dena jilia sangdonger, asenok Nagaland bo ya kechi tebilemba??

Onoki, nenok Tsürabur aser lanurtem atema kecha bilema mali, onok kodaser ayong-ayonga aser azünga aliba mapang ka nung ajungbena result ji agütsütsü ta tebilemba lir. Saka na memenui taküm 2017 kümsa adoktsü!!!!



Lilir : ISK, Dimapur


TANÜBO NAI LANGZÜANG

Q: INSA Young Scientist Award 2017 atema shiba shim?
 [A] Prabeer Barpanda [B] Sai Siva Gorthi
 [C] Sanjay Pratihar [D] Chandan Saha

(Taruba adok nung onoki langzüksü)
 YASHIADOK TELANGZÜBA : Kerala

Tepela Tasoba Anogo

Tanur asoba anogo nung salem osang den noksa angati adokdeksünürs - Tenüng, Küm, School, Talidak & salem osang tejanga zülur, noksa (photograph - any size) ka den anogo 3 mesüra 4 jela e-mail : tiryimim@gmail.com nung yokang mesüra Tir Yimyim bureau tem nung agüjang.



1. Tenüng :
 2. Tasoba anogo:
 3. Küm : 4. Class :
 5. School :
 6. Talidak :
 7. Salem osang :

NAIA YA METETER MA



2017 World Press Photo Contest- Nature category nung mezüngbuba jenjang nung takok anguba noksa 'Caretta Caretta Trapped' angur. 2016 küm June 8 nü Spain linük kübok Tenerife, Canary Islands nung sano (turtle) ka ango apuba zütsük nung ashiba noksa angur. Zütsük mashimashi tzüym nung intokba ajanga kümshia sano aika asür.

SUDOKU # 3524

1		3	5		2	9	1	7	3	6	8	2	5	4	9
3	6	8			1		2	4	9	1	5	7	3	6	8
			9		4		5	6	8	9	3	4	7	1	2
9	6			4		3	3	8	7	5	2	1	6	9	4
5				9	7	1	4	9	1	8	6	3	2	7	5
	3		5	2	1	9	8			6	5	2	7	4	9
		4			8			7	3	5	4	1	8	9	2
	1				5			8	1	6	2	9	5	4	3
8	9		7			5	9	2	4	3	7	6	8	5	1

TELANGZÜBA # 3523

OJANG LUTEP # 4016

NGRTSÜEMI	: □□□□□□□□
AKAJ	: □□□□
MNE	: □□□
MPSEET	: □□□□□□
ÜJAGA	: □□□□□
RLI	: □□□
AKSA	: □□□□
AAIKTI	: □□□□□□
I AJ	: □□□
AMSMHIR	: □□□□□□□

OJANG LUTEP TELANGZÜBA # 4014

NISUNGI MEDEMER SHIMTSÜ AKOK SAKAADIANUMESÜRA KINÜNGERBO SHIMTSÜ MAKOK

Anü ita petinu ajanga alima nung tsüngsang mopung melenshidaksüba ama nisunger tia-a melenshidaksür ta anü ita petinu tetzürtemi ashir, parnoki ashibaji shidak asü tai'ar nai-a na asoba ita anogo den tanü nü tia medemdangang (Horoscope):

- Aries** 21/3-19/4
Tanü nü mapa nung nai tangar teyari mamshira na timtem ajurutsü. Kanga kümdanga shisadangang aser temolung lemtetba nisung kar dang teyari meshiang.
- Taurus** 20/4-20/5
Nai jangraba ama inyaktetsü asoshi nü kisüngi mapa inyaksü bilemetsü. Saka tanübo nai medemer kar den külemi mapa inyaksü sentong yangluang.
- Gemini** 21/5-20/6
Na meketa aliba nisungtem nai kanga junga meteta aliba ajanga nü mapa nung yaritsü nisung junga shimtetsü. Mapa tajung kar inyaksü merangang.
- Cancer** 21/6-22/7
Aiben nai tangertem den külemi mapa inyaksü mejangratsü. Saka tanü nü mapa mapang shidak nung tembangnüra tangar dang teyari meshiang.
- Leo** 23/7-22/8
Telok nung mapa inyaktang nai tanishir ka ama bilemetsü. Anungji nai mapa meranga inyakang aser nü yimya ajanga tarutsü nung nü lenmang tajungba kümdaksütsü
- Virgo** 23/8-22/9
Nai mapa kisüng dang inyaksü jangratsü aser aiben takok ngua alitsü. Anungji nai iba sempettem aser nü yimyatem tangar dang sayuang.
- Libra** 23/9-22/10
Nai tangar den külemi mapa inyaksü jangraba ajanga parnok yimya junga meteter alitsü. Mapa junga inyaker kar den tanü nai külemi mapa inyakang.
- Scorpio** 23/10-21/11
Tanü nü tejangraba lemsatepdang kanga kümdangtsüla. Aser iba ajanga tangari nü den külemi mapa inyaksü molungtetsü aser na yaritsü.
- Sagittarius** 22/11-21/12
Tanü nü den külemi inyaker nisungtem shisatsü aser molungsentsü angatetsü merangang. Nai mapatem keraka inyakra tangari nü dak temolung malemetsü.
- Capricorn** 22/12-19/1
Tanü nai tangartem den külemi mapa inyaktang kümdangtsüla. Nai nükjidong tulu yur inyaktang tangar jashitsüsa inyaktetsü akok.
- Aquarius** 20/1-18/2
Nai mapa tasen angazüksü tejangraba lira tangartem den külemi mapa inyaksü asoshi anogo tajung asütsü aser tangari bilemba dang tajungba inyaktetsü.
- Pisces** 19/2-20/3
Nü dak jembishinütsü sempet liaka nai mapa nung temolung magütsüra tangar den mapa inyakba nung timtem ajurutsü. Nai akokba mapatem ola madoki inyakang.

71buba Tony Awards Nomination nung 'Natasha, Pierre & the Great Comet of 1812' timba lir



Natasha, Pierre & The Great Comet of 1812

May 03, 2017 (Agencies): 71buba Tony Awards Nomination sangdongogo aser Leo Tolstoy-i züluba 'War and Peace' otsü nungi agiteta yangluba 'Natasha, Pierre & the Great comet of 1812' saya ya telemsa 12 nung nominate süa lir.

Iba otsü ya Leo Tolstoy indang 1869 novel nungi Dave Malloy-i zülu aser iba saya ya 'Best Musical', 'Best Book of a Musical', 'Best Original Score', 'Best Orchestrations', 'Best Choreography', 'Best Lighting Design', 'Best Costume Design' aser 'Best Scenic Design' atem nominate süa lir. Iba saya nung tongti shilem agir Josh Groban, Denée Benton aser Lucas Steele nungertem ya 'Best Leading Actors', 'Best Leading Actresses' aser 'Best Featured Actors' asoshi nominate süa lir. 'Best Direction of a Musical' nung kasa saya nungi Rachel Chavkin nominate süa lir.

'Hello, Dolly!' ya 'Best Revival of a Musical', 'Best Leading Actress in a Musical' (Bette Midler) aser 'Best Leading Actor in a Musical' (David Hyde Pierce) nung nominate süa lir. 'Hello, Dolly!' indang movie ya 71buba Tony Awards asoshi nomination 10 nung densema lir. Best Musical nomination nung 'Dear Evan Hansen', 'Come From Away' aser 'Groundhog Day' nungertem densema lir. Best Original Score nung 'Groundhog Day' nungi Tim Minchin nominate süa lir. 'Best Revivals' atema 'Falsettos' aser 'Miss saigon' densema lir. 'A Doll's House, Part 2' ya 'Best Play' aser 'Best Leading Actress' (Laurie Metcalf), aser 'Best Featured Actress category' nung Jayne Houdyshell aser Condola Rashad nominate süa lir. 'Best Play' sempet asoshi 'Oslo', 'Sweat' aser 'Indecent' nungertema

nominate süa lir. 'Best Revival of a Play' sempet atema 'Jitney', 'Six Degrees of Separation' aser 'The Little Foxes' nungertem shimteta lir. 'The Little Foxes' nungi Laura Linnery aser Cynthia Nixon-na ya Best Leading Actress aser Best Featured Actress atema nominate süa lir. 'Special Tony Award for Lifetime Achievement in the Theater' sempet ya James Earl Jones, 'The Encounter' indang Sound Designer, Gareth Fry aser Pete Malkin nung nem agütsütsü sangdongogo. Regional Theater Tony Award ya The Dallas Theater Cente nem agütsütsü, Isabelle Stevenson Tony Award ya Baayork Lee nem agütsütsü aser Tony Honors for Excellence in the Theater sempet ya Nina Lannan aser Alan Wasser-na nem agütsütsü. 71buba Tony Awards sentong ya 2017 June 11 nung agütsü lir.

Beyonce indang microphone sen \$11,000 agi ayok



Los Angeles, May 03 (Agencies): Beyonce-i amshiba microphone ya \$11,000 agi ayok. Arishi küm 35 tain, Beyonce-i iba microphone ya 'Formation' world tour aser Grammy Awards nung amshi, saka Wearable Art Gala, Los Angeles nung

Beyonce tetsü Tina Knowels-Lawson-i ayok. Iba mic alitsü asoshi sen timba agütsüla ya CeCe Hendriks liasü aser Beyonce-i sign süa aliba microphone ya lar jabaso kum 13 ajungba anogo nung agütsütsü aser jungjunga rizünga yutsütsü, ta CeCe-

i osangbener dang ashi. Beyonce-i taruba küm Coachella nung shilem agiba mapang CeCe-i 'VIP package' aginü saka iba 'package' ya tangar kati sen timba agüja ngutet. Tina-i iba sentong ya la kinungbu denati tentetba, Where Art Can Occur (WACO) Theatre Centre nung ayongzüka agi. "Kütsüi iba ama mapa tajung inyaktetba asoshi ni nüma danga bilemer. Lanurtem nem teyari balala agütsütsü asoshi WACO Theatre Centre ajanga sen million \$1 jungnüa aazüka lir," ta Beyonce-i ashi. Beyonce-i 'Lemonade' kensep sayar küm ka ajungba benjung ka amungtsü sentong lir.

TAN HOPTA ATEMA - KOMA SÜLA ?

Q. Govt office ajak nung anogo shia biometric system amshia tenüng aja nunga koma süla ?

Olong 20 shi nung May 05, 2017 tashi nung iba telangzüba ya onok dangi e-mail - tiryimyim@gmail.com mesüra SMS - 9856121232 / 9436072422 mesüra Tir Yimyim Facebook account ajanga yokang. Telangzübatemji taruba Hokolbar nü adoktsütsü.

Sachin Tendulkar branded smartphone srt.phone India nung sayaogo



New Delhi, May 3 : Bodhbarnü Mumbai nung Smartron ambassador aser cricket asayar mongin, Sachin Tendulkar den Soft Machines Inc indang CEO Mahesh Lingareddy nati Smartron srt.phone sayaba mapang tangokba noksa nung angur.

Mumbai, May 3 (Agencies): nung sen 12,999 aser 13,999 Bodhbarnü IoT company agi angutsü.

Smartron ajanga Sachin Company ajanga maneni Tendulkar tenung nung, exchange nung sen 1500 'srt.phone' India nung sayaogo.

Iba phone ya 'master blaster'-i mobile phone brand ka atema mezüngbuba sign sür adokba phone asütsü.

Mumbai nung tanü Company brand ambassador, Sachin Tendulkar-i iba phone sentong ka nung sayatsü.

Iba phone ya tapu ana nung sayaogo. Mezüngbubaji 32GB aser tanabubaji 64GB storage ta alitsü aser flipkart Company ajanga yaküm

sayaba 't.phone' jenjang 24,999 lir aser classic grey, metallic pink, steel blue aser sunrise orange sentsü nung angutsü.

64GB device nung 5.5-inch, full-HD Super-AMOLED display den 401ppi aser Qualcomm Snapdragon 810 processor keta lir.

Smartron srt.phone features

tem yamai alitsü:

- * Display : 5.5-inch 1080p Full HD IPS display, Corning Gorilla Glass 3 protection
- * CPU : Octa-Core Snapdragon 652 processor
- * GPU : Adreno 510
- * RAM : 4 GB LPDDR3 RAM
- * Storage : 32 GB / 64 GB (EMMC5.1)
- * OS : Android 7.1.1 (Nougat), Upgradable to Android O
- * Misc : Dual SIM (micro+micro), Fingerprint sensor, FM Radio
- * Tesülen 13MP camera den LED Flash, PDAF, f/2.0 aperture
- * Tejaklen 5MP camera den wide-angle lens
- * Tasazük: 153x77x8.9 mm
- * Tuozük: 155 gm
- * Connectivity : 4G VoLTE, Wi-Fi 802.11 ac (2.4GHz & 5GHz), Bluetooth 4.1, GPS, USB Type-C, NFC
- * Battery : 3000 mAh , Qualcomm Quick Charge 2.0

India nung totzü kanga ajema atsükba motorcycle 5



New Delhi, May 03 (Agencies):

India nung motorcycle aliba mapang tongtipang süa reprangbaji totzü koma atsüker, ibaji mezüng asüngdangba ya motorcycle yanglurtemia meteta lir. Ibayongji motorcycle yangluba company ajaki totzü tajemtiba nung atsüktsüsa yanglutsü meranger.

India nung totzü kanga ajema atsükba motorcycle 5 yamai lir:

1. Hero Splendor iSmart 110

Splendor ya India nung aliba nüburtemi kanga sabua amshiteper. Company ajanga ashiba agi, Splendor iSmart 110 nung totzü litre ka agi kilometre 102.5 tashi jajatsü akoker.

Hero indang 'idle Start Stop System' (i3s) technology inoka aliba ajanga totzü kanga ajema atsüker, ta company ajanga ashir. Iba technology aliba ajanga bike ya second ishika marakzüi lira pasasa engine mapa meinyaki anena atoker aser 'clutch' nung kongshiba sülen engine ya pasasa mapa minyak tenzüker.

Iba bike ya single-cylinder engine aser 97.2cc lir. Iba bike ya sen 50,255 (ex-showroom, Delhi) agi angur.

2. Bajaj CT100

Bajaj indang CT100 motorcycle ya India nung kanga sabua amshir aser yamaji ita shia timba ayoker. Iba bike nung totzü litre ka agi kilometre 99.1 tashi jajatsü akoker. Iba bike ya 99.2cc single-cylinder engine lir aser horsepower 8 agütsür. Iba bike indang torque ya 8.05Nm lir aser

sen 35,389 agi angur (ex-showroom, Delhi).

3. Bajaj Platina ComforTec Bike ajanga totzü kanga ajema atsükba rongnung Bajaj indang Platina ComforTec 100ES ya tasembuba jenjang nung lir. Iba bike nung DTS-i twin-spark technology (tangbo 'ComforTec' ta ajar) inoka lir. Platina 100ES indang engine ya 102cc lir aser 8.6 Nm torque agütsür. Iba bike indang horsepower 8 aser jenjang sen 45,985 (ex-showroom, Delhi) nungi tenzüka angur.

4. TVS Sport


Bajaj CT100 ya India nung bike rongnung jenjang talangba lir aser iba sülen TVS Sport ya lir. Taoba küm ang iba bike ya tajungba küma yanglushir lir. Iba bike ajanga totzü litre ka agi kilometre 95 jajatsü akoker, ta company-i ashir. Iba bike nung TVS DuraLife technology aliba ajanga totzü tajemba nung atsüker.

TVS Sport bike nung 99.7cc single-cylinder engine lir aser horsepower 7.7 agütsüteter. Iba bike indang torque ya 7.8 Nm lir aser sen 37,780 (ex-showroom, Delhi) nungi tükalen agi angur.

5. Hero Splendor Pro

97.2cc single-cylinder air-cooled engine keta aliba Splendor Pro indang horsepower 8.2 aser 8.05 Nm torque agütsür. Iba bike nung 4-speed transmission keta lir aser totzü litre ka agi kilometre 93.2 tashitsü jajateter. Iba bike jenjang sen 47,680 (ex-showroom, Delhi) aser tüka agi angur.

Facebook Messenger games ajaki amshitettsü



San Francisco, May 03 (Agencies): Facebook indang ita shia nisung billion 1.2-i Instant Games ya 'group test' amshitettsüsa sapang

lapoktsüogo.

Instant Games ya 'beta version' nung 2016, November ita Paciman aser Galaga dena saya.

Facebook browser nung Zynga indang "Word with Friends" amala video game tem inoktsüogo, ta osang ajanga ashi.

Facebook ya iOS aser Android aliba phone tem nung dang amshitettsüsa yangluba sülen costumer tali anitentsü nükjidong nung "Words with Friends" game ya inok, ta kasa osang ajanga ashi.



New Delhi, May 3 : Bodhbarnü New Delhi nung National Film Awards 2016 indang sentong nung Bollywood actor Anil Kapoor aser Akshay Kumar nati Dadasaheb Phalke Award angur filmm yanglur Kasinadhuni Vishwanath den külemi noksa tangokba angur.

Download speed asadanga nung Reliance Jio temaba jenjang nung lir

New Delhi, May 3 (Agencies): Second shia download speed 18.48 megabit agütsüba sülen March ita atema Reliance Jio mobile network chart temaba jenjang nung aliba telecom regulator Trai adok ka ajanga metetdaksü.

Reliance Jio network Average download speed ita ka tejakdang 16.48 mbps aliba April 1 nungi 18.48 mbps aküm, ta Telecom Regulatory Authority of India (Trai) data ajanga sayu.

Iba mapang kasa nung Jio den tokteper Bharti Airtel indang network download speed 7.66 mbps nungi 6.57 mbps agi

tajemba aküm. Vodafone ya linük nung mobile network tekeratiba tem rongnung tasembuba jenjang nung lir. Parnok indang download speed 6.14 mbps lir.

Osang agütsüba mapang tashi nung Idea network 5.9 nungi 2.34 mbps agi tajemba kümer liasü.

2.01 mbps download speed agüja Aircel pezübuba jenjang nung lir aser iba sülen sorkar meyong BSNL pongububa jenjang nung lir. BSNL indang download speed ji 1.99 mbps lir.

Trai-i 'MySpeed application' teyari ajanga data download speed asadanga bendener.



Ahmedabad, May 03, 2017: Hombarnü Pakistan army temi India nungger sepai ana tepsetba anema Bodhbarnü Ahmedabad nung nūburtem adenshia Pakistan army tongti, Lieutenant General Qamar Javed Bajwa noksa amer longkak aitba noksa nung angur, iba noksaji tesūlen rongdoka liasü.

Nisung mn. 135 indang Aadhaar osangtem 'leak' süogo: CIS

New Delhi, May 03 (Agencies): Sorkar indang portal pezü nungi India nungger million 135 indang nija osangtem aser Aadhaar numbers leak sür südi, aser ibaji IT security practices ajanga lir, ta Centre for Internet and Society (CIS)-i metetdaksü.

CIS osang ka nung, "Websites nung aliba number tem nung ajemdaker, portal pezü nungi Aadhaar numbers million 130-135 shi leak süogo," ta metetdaksü.

Iba dak alia portal pezü nungjagi bank account number million 100 shi leak sür südi, ta kasa osang nung shia lir.

Portal pezüji- National Social

Assistance Programme, National Rural Employment Guarantee Scheme, aser Andhra Pradesh indang websites ana lir.

"DBT (Direct Benefit Transfer) atema Aadhaar programme kübok nisung crore 23 dak tema lir, aser scheme balala aikati data ji junga mamshi, iba züngdangba den kasa data-a leak sür asütsüa akok ta onoki bilemer," ta kasa osang ajanga metetdaksü.

CIS indang report ji 'Information Security Practices of Aadhaar (or lack thereof): A Documentation of Public Availability of Aadhaar Numbers with Sensitive

Personal Financial Information' liasü.

Iba dak sendakba nung asüngdangyadang Unique Identification Authority of India (UIDAI) nung tongti ketdangser katibo, parnok indang dadabase nung tamakok aluba mali, ta ashi.

India nung UIDAI-i linük sensotem nem Aadhaar agütsür.

CIS osang ajangasa ashiba agi, database osangtem inokba nung "proper controls" maliba ajanga timtem adokdaksütsü, kechiyong ibaji ajanga nisung ka indang address, noksatem aser senotsü osangtem densema nija ka indang osangtem yimjak nung sangdongtsü.

Mann Ki Baat anener Gun Ki Baat tenzüksüla: Thackeray

Mumbai/New Delhi, May 03 (Agencies): Tanü Shiv Sena tongti, Uddhav Thackeray-i Ato kilonser, Narendra Modi dang, 'Mann ki Baat' sentong anentsüla aser Pakistan nem temerenshi agütsütsü atema 'Gun ki Baat' tenzüksüla, ta ashi.

Tawa Pakistan nungger army temi India nungger sepai ana tepsetba sülen temang rangsatsüba dak sendakba nung pai item o jembigo.

Bodhbar nikongdang Mumbai nung party nung inyakertem den jembidang Thackeray-i, kechi teinyaksü tim, ibaji tangsa

inyaktsüla, ta ashi.

"Pai (Ato kilonser) ibaji ('Mann ki Baat') anener Pakistan dang tansütsü sayutsü atema 'Gun ki Baat' tenzüksüla," ta pai ashi.

'Mann ki Baat' ya ita shia Ato kilonser, Narendra Modi-i radio ajanga linük nūburtem den jembiba sentong ka lir.

Yakünü Line of Control (LoC), Jammu & Kashmir nung Pakistan sepaitemi India nungger sepai ana tepsetba sülen tena tasü mangji rangsaja liasü.

Iba mapaji Border Action Team (BAT)-i inyak aser iba nungji Pakistan army tem aser kiralongrartem densema lir, ta

India-i aitsür.

Shiv Sena ya NDA sorkar nung teloktep nung dena lir aser Maharashtra nunga BJP-i aniba teloktep nung dena lir.

Ano tanü New Delhi nungi osang ka ajanga ashiba agi, India nungger sepai ana tepsetbaji Pakistan army temi lir aser iba kulji India-i tejangja nguogo.

External affairs ministry otongdar, Gopal Bagley-i, "Ibaji Pakistan army temi inyak, aser iba kulji onok ket nung lir. Onoki iba tatalokba nung aibener nem temerenshi agüjang ta Pakistan nem takhangba agütsüogo," ta metetdaksü.

India nungger 20,000 shi Saudi Arabia nungi linüki meyipa arutsü

New Delhi, May 03 (Agencies): Tamil Nadu state nungi densema India nungger aayanger meyirjang aija ozüng alema Saudi Arabia-i aoba mesüra visa atemba sülen yang nungjagi meyipa maruteti lir, aser par sorkari amnesty scheme kübok anogo 90 agütsüba mapang nung parnok India-i meyipa arutsü.

Mongolbarnü Riyadh yimti nungi India nungger osangbener den jembidang Indian Embassy nung counsellor (community welfare), Anil Nautiyal-i, Amnesty scheme kübok India-i meyipa arutsü atema Hombarnü tashi nung India nungger parnok nisung 20,321-i tenüng agütsüogo, ta metetdaksü.

Linüki meyipa arutsü atema tenüng agütsür rongnung Tamil Nadu state nungi parnok nisung 1,500 lir.

Ano iba scheme kübok linüki

meyipa arutsüpur rongnung Uttar Pradesh aser Bihar na nungi timba lir.

Nautiyal-i ashiba agi, Saudi Arabia linük toktsür oner India nungger atema Saudi Arabia sorkari Riyadh yimti nung Centre ka lapoktsüogo.

Indian embassy-ia ozüng alema Saudi Arabia nung alir India nungertem dang Amnesty scheme maongka ya agütsüla, metetdaksüogo.

2013 küm nungbo iba scheme maongka ya Riyadh aser Jeddah na nung dang agüja liasü, saka tangbo iba maongka ya linük tesem 21 nung agütsür.

"Iba maparen nung temelungertemi Indian embassy ketdangsertem den yaritepa inyakdar. India-i meyipa onertem atema onoki embassy aser consulate nung sükitem yanglutsüogo," ta Nautiyal-isa metetdaksü.



Dharamshala, May 03 : Bodhbarnü BJP National President Tir, Amit Shah, Himachal Pradesh nung aliba Dharamshala Airport tonga arudang pai teka ayiploksüba noksa nung angur.

Sonia-i tekaraba nung party Tir Rahul shimtsüla: Fernandes

Panaji (Goa), May 03 (Agencies): Bodhbarnü All India Congress Committee senden mayongzükba atema Congress Party lenir kati, tang pai party nung bangdak lenirtema aitsü. Sonia Gandhi-i party Tir menden atema tekaraba nung lar jabaso, Rahul Gandhi shimtsüla, kechiyong menoa pa meshimba ajanga Ato kilonser, Narendra Modi nükjidong 'Congress samatsütsü' ang yaritsü, ta ashi.

"Congress meshirangtsüla. Ni aser na ama party nung inyakertem lira Congress-i tanaben asentenshitetsü. Congress tanaben shia arutsü, kechiyong nūburtemi Congress aginer. Aser Goa election ajanga iba temaitsüji sayuogo," ta anaben tashi Rajya Sabha MP inyaksang, Fernandes-isa ashi.

2012 küm Goa state assembly elections nung alir," ta paisa ashi. Congress nung bangdak lenirtemi joko küm asem tashi

All India Congress Committee senden mayongzükba atema pai party nung bangdak lenirtema aitsü.

2014 küm Lok Sabha election nung tamakok anguba sülen Congress nung bangdak lenirtemi All India Congress Committee mayongba ajanga party dang takoksa angutsü, ta pai ashi.

Ni aser na ama party nung inyakertem lira Congress-i tanaben asentenshitetsü. Congress tanaben shia arutsü, kechiyong nūburtemi Congress aginer. Aser Goa election ajanga iba temaitsüji sayuogo," ta anaben tashi Rajya Sabha MP inyaksang, Fernandes-isa ashi.

2012 küm Goa state assembly elections nung alir," ta paisa ashi. Congress nung bangdak lenirtemi joko küm asem tashi



Ranchi, May 03, 2017: Bodhbarnü Rancho yimti kübok National Highway-33 nung Rancho Police-i Doda Husk (Marijuana) seret 3,000 apuba sülen osangbenertem senden ka nung Rancho Police tongti, Kuldeep Diwedi-i jembiba noksa nung angur.



Afghanistan yimtiba Kabul nung bomb lendong atalokba sülen mapa inyakertemi tesem merüktetba noksa nung angur. Bodbarnü suicide bomber kati bendanger mitkartem indang military convoy ka amak aser iba lendong nung civilian 8 asü aser 27 yiru. (Kabul, May 3)

IS-i parnok indang social media platform yanglur: Europol

London, May 3 (Agencies): Islamic State kiralongrartemi parnok indang social media platform ka yanglutsü atema mapa inyaker ta European Union nung police agency tanishisangi ashi.

Taoba hopta Internet extremism anema ghonda 48 bushisügang asügang online platform tasenbaji putet, ta Europol Director, Rob Wainwright-i Bodbarnü ashi.

"IS-i parnok indang social media platform ka yanglur aser iba ajanga parnoki osangtsüsang prokshitsü" ta Wainwright-i London nung aliba security conference ka nung ashi.

"Iba sabang nung Daesh (IS) züngsem kar aliba bushitetogo" ta paisa shisem.

Europol-i acha-ayanga United States, Belgium, Greece, Poland, aser Portugal nungi ketdangsertemi IS aser al Qaeda osangtsüsangtem mita repringang, extremist items 2,000 den tema putet aser itemji social media platforms 52 nung liasü.

Jihadist temi online communications atema social media sabang balala amshir aser item ajanga parnoki osangtem belenshir. Yaküm parnoki messaging app Telegram kanga bulua amshia

liasü.

Yimten lennirtemi Facebook aser Google amala technology company tem dang online nung extremist material azüoktsü atema tetuyuba agütsür.

Islamic State ama teloktemi security services-i meputettsü atema encrypted services amshia osangtem prokshir, ta parnoki ashir.

Intelligence agencies, police forces aser tech sector temi parnok anema mapa inyakba atema IS-i parnok indang service ka tenzüktsü atema mapa inyaker, ta Wainwright-i ashi.

Pakistan nung Military Court kati aija kiralongrar 4 alenset

Islamabad, May 3 (Agencies): Bodbarnü Pakistan-i Taliban kiralongrar pezü tashi alensetogo. Parnoki kiralongraba mapa inyakba atema aija alenset.

2014 küm Peshawar amakba sülen tang tashi nung Pakistan nung kiralongrar 150 tashi süngzü agi alensetogo.

Tanü alensetertemji civilian tepsetba aser sepaitem amakba atema aitsü, ta army-i sangdong ka nung metetdaksü.

"Military Court tem nung ken o benoka angadamba sülen kiralongrar tamajung 4 alensetogo. Parnoki tai maket civilian tem tepsetba, Pakistan nung Armed

Forces aser Law Enforcement Agencies amakba atema tai tongloksü" ta parnoki ashi.

Kiralongrartemji Tehreek-e-Taliban Pakistan nung züngsemtem liasü aser parnoki magistrate aser trial court ka tsügang tai nangzük, ta Army sangdong nungsa shia lir.

Pakistan nung military court tem ya January ita kümsük tembanga liasü aser taküm March ita nungi ano küm ana kümsük atema lapokogo.

December 2014 nung Peshawar nung aliba army school ka amakdang nisung 150 tashi tepset aser iba tatalokba sülen military court tem lapok.

Iba lendong nung kaketshirtem teimba asü.

Peshawar amakba sülen nisung 411 tashi tepsetogo ta Human rights telok- Justice Project Pakistan-i ashir.

Pakistan nung ketdangsertemi military court tem ajanga kiralongraba nokdang ta ashir saka human rights teloktemi item okadak ken o tem miima benoka angadamba atema ashishir.

Amnesty International-i ashiba agi, Pakistan nung 2016 küm ozüngi nisung tepsettsü obendang agütsübaji 2015 dang nungi noklang nung shilem 73 agi tajemba liasü.



May 3 nü China yimtiba Beijing nung aliba Great Hall of the People nung China Prime Minister, Li Keqiang aser Denmark Prime Minister, Lars Lokke Rasmussen nati honour guard repringa aodang agiba noksa angur. (Beijing, May 3)

British House of Commons anenogo

London, May 3 (Agencies): Bodbarnü Britain nung House of Commons lokaosago aser June 8 nü general election agiba sülen ang parnok mapa inyak tenzüktsü.

Bodbar anepdang nungi House of Commons nung Parliament züngsem 650 prongla anen aser Prime Minister Theresa May-i anir züngsem ajak ordinary citizens kümogo.

Bodbarnü British Prime Minister Theresa May-i Queen Elizabeth II semdang aser ibaji ajanga Parliament anenba tamaittsü sayur.

Taoba ita May-i June 8 nü elections agitsü osang metetdaksü. European Union nung Britain madentsü atema inyakba mapa nung nübortem teyari talila aginür ta lai shia elections agitsü osang metetdakja liasü.

"Ajisüaka, Parliament anenba ajanga Britain sorkar metembanger, kechiyong election indang osang memetet tashi aser sorkar tasen ka maküm tashi Government minister temi pei lemzükba department tem ketdangsüa repringa atatsü," ta Parliament atema otogdar kati metetdaksü.



May 3 nü South Korea yimtiba Jeonju nung People's Party nungi presidential candidate, Ahn Cheol-soo (tiyongtsü)-i nüboyimba sentong ka nung adendang agiba noksa angur. South Korea nung taoba Tir, Park Geun-hye mapa nungi anentsüba sülen May 9, 2017 nü presidential by-election agitsü sentong lir.

North Korea-i US senso apuba jangjashitsür

Seoul, May 3 (Agencies): North Korea-i Bodbarnü America nunger senso ka pua lir ta osang jangjashitsüogo.

Linük anema mapa inyakba atema tai tonglokja America sensoji apu, ta parnoki ashi.

North Korea indang official Korean Central News Agency (KCNA)-i April ita tatemlen Kim Sang-duk apuba osangji jangjashitsü. Kim dang America tenüng Tony Kim ta-a ajar.

Ozüng amertemi Kim dak tai tongloksüba onüktem bushisügang südar, ta KNCA-isa ashi.

April 22, 2017 nü Kim ya Pyongyang nung aliba airport ka nung apu. Pa apuba züngsema North Korea-i America nunger 3 miima pua lir, ta New York Times ajanga metetdaksü.

Kim-i China nung aliba Yanbian University of Science & Technology nung tesayur ka ama inyak aser iba sülen pa Pyongyang nung Pyongyang University of Science & Technology nung

ita ka shi tesayur inyak, ta university chancellor, Park Chan-mo-i ashi.

North Korea-i tanen makai raradang amshiba osettem tendangba aser US nung o toktepba ajanga Korean peninsula nung tensa mejungi aliba mapang ka nung North Korea-i Kim apu.

South Korean news agency Yonhap ajanga ashiba agi, Kim ya North Korea nung humanitarian mapa inyakba nunga shilem agi aser pai lajartem ayuba tesemtem den yaritem.

Yaküm küm North Korea-i America nunger college student, Otto F. Warmbier küm 15 tashi tepuokdak ayutsü obendang agütsü.

Pai Pyongyang nung aliba hotel ka nungi 'political banner' ka auyatsü merang ta tai tongloksü.

North Korea-isa America nunger Kim Dong-chul küm 10 tepuokdak ayutsü atema obendang agütsü. Pa ya itdangitraba aser tanga onüktem nung tai tongloksü.

**GOVERNMENT OF NAGALAND
DIRECTORATE OF SCHOOL EDUCATION
NAGALAND :: KOHIMA**

Dated Kohima, the 2nd May 2017

PRESS RELEASE

NO.ED/MNE/REG - 1/2015 ; This is to inform all categories of Adhoc employees under the Directorate of School Education Nagaland, who have completed 3 (three) years or more of continuous service as on 31/12/2015 and have submitted documents are hereby informed that a written test will be conducted on 20th May 2017 for GT/PT/HT/DT/LT/LAB.ASST & PET at Rüzhukhrie GHSS Kohima and on the 23rd May 2017 for CI & KI at Govt. Polytechnic Institute Kohima.

1. Written Test will be for a duration of 3 (three) hours
2. Written Test for both GT & PT will include General Studies, English, Essay, Science, Social Science & Mathematics.
3. For others in PET/LT/DT/Lab. Asst /HT/CI/KI category, written and practical test will be assessed on respective subject matter only.
4. All Adhoc Employees to collect the 'Admit Card' from 16th - 19th of May 2017 during office hour from the Directorate of School Education along with Rs. 500 (five hundred) as examination processing fee.
5. For those candidates who have not submitted 'Identification Proof', Admit Card will be issued only on production of the same.
6. All 'Original Documents' pertaining to service must be produced for verification on 2nd May 2017 at the Directorate of School Education from 10 am onwards.

Written exam starts 10 am.

Sd/-
WONTHUNGO TSUPOE
ADDL. DIRECTOR (HOD)

Issued by: DIPR

**INAUGURAL FUNCTION OF
INDUCTION TRAINING FOR TECHNICAL SERVICES
(ENGINEERS AND MEDICAL OFFICERS)**

Date: 4th May, 2017

Time: 09:30 AM

Venue: Multipurpose Hall, ATI

Guest of honour : Shri Pankaj Kumar, IAS,
Chief Secretary,
Government of Nagaland.

Chairperson : Shri Kevekha Kevin Zehol, NCS,
Additional Director (Admn.) ATI

Order of the programme

1. Welcome Address : Chairperson
2. Keynote Address : Smt. Lithrongla G. Chishi, IAS,
Director, ATI
3. Speech : Guest of Honour.

The following Administrative Heads and Head of Departments are requested to attend the Inaugural function:

- 1) Nagaland Public Works Department (NPWD)
- 2) Health & Family Welfare Department
- 3) Public Health Engineering Department (PHED)
- 4) Irrigation & Flood Control Department
- 5) Police Engineering Project

Issued by: DIPR

METETDAKTSÜR

ASLB-i jelia sangdonga aliba ama May 05, 2017 anepdang 10 ako nungi Town hall, Mokokchung nung 4 buba ASLB Convocation sentong alitsü. Anungji, Arangtet tatidang agütsürtem 2014, 2015 aser 2016 nung pass asürtem ajak arua takok kulikaket agizüktsüla. Kulikaket agizüktsü pur ajak terenemshi sentong atema kasa anepdang 9 ako nungbo Town hall atongtsüla. Iba den AT-101,102, 103, 104, 601 aser 701 nung tenüng zülüoka alirtem ajak iba sentong nung arua adentsü shisemer.

Sd/-
Temjen Tzüdir,
Secretary, ASLB.

**OFFICE OF THE
MOLUNGYIMSEN VILLAGE COUNCIL
(MOPUNGSANGER PUTU)**

P.O. Tuli Dist. Mokokchung : Nagaland.

METETDAKTSÜR

Molungyimsen Village Council-i February 27, 2017 nü Yajang Model Village akümtsü atema 'No Objection Certificate' agütsüba meyipa agir/agienür.

Yim tasen akümtsü ta asüba Yajang Model Village nung Council Chairman, Wb. Bendangwati-i tebang agi asüngdangba ama Molungyimsen Village Council-i February 27, 2017 nü No objection Certificate ji agütsü.

Ajisüaka, No Objection Certificate meshidang agütsüba map ji jungjunga reprangdangdang, map nung shitak masüba, tiyazü yangluba aser metokmeperi alibatem bushitet.

Maneni, Molungyimsen Village Council-i February 27, 2017 nü No Objection Certificate agütsüba sülen, Yajang 'A' 'B' 'C' aser Model Village Council-i osangkakettem nung Molungyimsen yimsüng lushi indang tim mesüi sangdong.

Parnoki sangdongba osangji tiyazü, shitak masü, yanglushiba aser temulung yirutsüsa lir.

Anungji, item onük nung ajemdaker Molungyimsen Village Council-i February 27, 2017 nü No Objection Certificate agütsüba meyipa agir.

Sd/-
Tsüknungmajen
Chairman
Molungyimsen Village Council

Sd/-
L. Temsümongba
Secretary
Molungyimsen Village Council

ASTD-i nisung tsükseter aputsü akanger

Dimapur, May 03 (TYO) : Temzüng ozüing amertemi tashi tsükseta yutsür ajenba gariji Tata mobile gari liasü aser iba ama taochi maka inyakba gariji Dimapur-Kohima nisung tamajungerji yakta pua iba gariji Dimapur-Kohima lenmang len Chate ayong tapet temerenshi agütsütsüla ta anasa alu ka nung anena lia yutsür ajenba mapaji kanga koa aitsür ta tanü sangdong ka polisetemi nguogo saka gari aitsür ta tanü sangdong ka anishisangbo jena orr mali asü. ajanga Ao Senso Telongjem angazükba agi, April 30, 2017 Dimapur police-i paji maneni Dimapuri metetdaksüogo. nü Dimapur nung nisung asem bushidagi.

Moatsü ya tesendaktep...

"Moatsü benjong shirnoki agütsü. asüngteta amunger parnokji Sentong nung Unger Village temoatsüba, saka shirnoki Council chairman Wb. temenen chiyungtsü amshia aser Limasangba, Salulamang Village konang bushia amunger parnokji Council chairman Wb. temoatsü malitsü", ta paisa ashi. Imyangluba, Kilengmen Village Paisa ajemalua aser temoatsü Council chairman Wb. S.Yanger meshia Moatsü benjong parnokki Moatsü salem shia amungtsü asoshi tayongzükba ka mapang tatsütsü agia liasü. CBC

(Tapak 1 nungi...)

Assoc. Pastor Akangtamsüi sarasadema iba sentong tenzük. Chuchuyimlang Village Council Secretary Wb. Tsükjemtangiti tarur ajak pela agizükba o jembi aser Tourism Committee züngsem Wb. Meyiyapang Pongeneri tepela o shia iba sentong tembang.

Küm 90 ajungba tepela tasoba anogo

I. Senkameren (Asangma)

Tasoba Anogo 4th May 1927

Temeim Oba, na arishi küm 90 tashi toktsübayong Tsüngrem tenüng asanger. Ano maneni Tsüngremi arishia anema yujang ta sarasademtsür.

**Temeim kinungtsü,
chinurtem,semchirtem
aser Anükapang.**



**Office of the
WATSÜ MUNG DANG**

HQ: Mokokchung: Nagaland

PELABA LEMSATEPER

Watsü Mungdang 12 buba Inti Senden April 27-28, 2017, "Aowli Temelenshi" omen nung ajemdaker amungdang sentong achaayanger programme committee-i anir telen balala nem mapa lemsüktsüba takok ngua inyaktetba aser sentong nung tenüng jateta nungloktsürtem ajaki sentong nung shilem agitetba den shirnokisa lenla balala nung rongsen, nübu, shisatsü den sarasadem agi nungita yaritepogo, nenok ajak dang pelaba lemsateper.

Iba den repsema kija, kibong, lokti tentet shirnokisa tenla tajung agüja Watsü Mungdang nungita nokdaker nenok ajak dang kangasa pelar. Onoki tsüngdong nenok ajak dangi arua pelaba melemsatet nung sasaseta bilemer, sakasa Takoksang Tsüngremi nenok senti taküm, kibong aser loktitem lenla ajak nung maneni moajang aser len aniangma.

Kanga pelar

Sd/-
Wt. Moachila
President

Sd/-
Wt. Toshimenla Walling
Secretary

**OFFICE OF THE
NPF UNIT TSUREMMEN**

30 ALONGTAKI ASSEMBLY CONSTITUENCY
H.Q. LONGCHEM
DIST. MOKOKCHUNG: NAGALAND

30th Alongtaki Assembly constituency nungi adoksang Dr. Benjongliba, Parliamentary Secretary CAWD & Taxes Govt. of Nagaland-i taoba küm pezü ser tesadang nung 2013 küm general election nung pai nübertem dang nangzükba mapatem meinyaktet nungji, onok Tsuremmen vllage NPF unit nungi anener .

Anungji, onok tsünglanglen tenüng agüja alirtem ya Tsuremmen NPF unit nung active aser primary membership nungi anener.

- | | | |
|--------------------|------|-------------------|
| 1. Panger Longchar | Sd/- | President |
| 2. Bendangwati | Sd/- | Vice President |
| 3. Imchayanger | Sd/- | General secretary |
| 4. Tsukjemwati | Sd/- | Joint secretary |
| 5. Talisunep | Sd/- | Treasure |

Sd/-
Panger Longchar
President
NPF Unit, Tsuremmen
30th A/C

Sd/-
K. Yanger Imchen,
Secretary,
NPF Unit, Tsuremmen
30th A/C

**OFFICE OF THE
NPF UNIT AKUMEN**

30 ALONGTAKI ASSEMBLY CONSTITUENCY
H.Q. LONGCHEM
DIST. MOKOKCHUNG : NAGALAND

30th Alongtaki Assembly Constituency nungi adoksang Dr. Benjongliba, Parliamentary Secretary CAWD & Taxes, govt. of Nagaland-i 2013 küm general election nung nangzükba mapatem meinyaktet nungji onok yangi agüja alirtem ya Akumen Village NPF party unit nungi anener.

- | | | |
|---------------------|------|------------------|
| 1. I. Meren Aier | Sd/- | President. |
| 2. T. Apok Longchar | Sd/- | Joint Secretary. |

Sd/-
I. Meren Aier
President, NPF Unit
Akumen Village

Sd/-
T. Apok Longchar
Joint Secretary, NPF Unit
Akumen Village

----- Throttle Thrust II tempangogo -----



Mokokchung, May 03 : Mokokchung district kübok Longmisa yim nung Spearhead Motorsports Initiative ajanga ayongba 'Throttle Thrust II' nung takokertem den tongti tesemdang, Temjen Toy, IAS, Addl. Chief Secretary & Finance Commissioner, Govt. of Nagaland noksa nung angur.

Mokokchung, May 03 (TYO): Spearhead Motorsports Initiative ajanga Mokokchung district kübok Longmisa yim nung anogo ana atema gari asemtepba 'Throttle Thrust II' sentong tembangogo. Iba tetoktepba final ya 'autocross' nung agi.

Iba tetoktepba tatembang anogo nung Addl. Chief Secretary & Finance Commissioner, Govt. of Nagaland, Temjen Toy, IAS tongti tesemdang liasü aser pai takoker nem sempettem agütsü.

Telemsa balala nung takok angurtem yamai alitsü:

1300cc teküboklen gari asemtepba nung Brandon Bazely mezüing jenjang angu, Babit Lyngdoh tanabuba aser Tomito Shohe tasembuba jenjang angu.

1300cc tükalen gari asemtepba nung Ruokuobeituo Kense mezüing jenjang, Bento Swu tanabuba aser Jason Sinha-i tasembuba jenjang ngutet.

SUV telemsa nung Sandeep Sharma-i mezüing jenjang,

Anguzo Sekhose tanabuba aser Amanpreet Ahluwalia-i tasembuba jenjang nung takok angu.

Mezüing anogo indang 'Best Timings' sempet angurtem; Bento Swu (1300cc tükalen), Brandon Bazely (1300cc teküboklen) aser Anguzo Sekhose (SUV).

Tananü indang 'Best Timings' sempet angurtem; Ruokuobeituo Kense (1300cc tükalen), Brandon Bazely (1300cc teküboklen) aser Sandeep Sharma (SUV).

Oorja-CAPF U-19 asyamong osang

Kohima, May 3 (TYO): HQ IGAR (N) kübok 9 Assam Rifles-i ayongzükbä, Nagaland State League "Oorja - Central Armed Police Force (Oorja-CAPF) U-19 football Talent Hunt Tournament anogo asembuba asaya osang yamai alitsü:

IG Stadium nung tetsürtem asaya

1. Young Girls club, IG Academy-i 6-0 agi GHS Khonoma madak takok angu. Young Girls club nungi Imlimerenlai (13) minute 34 aser 37 nung goal agütsü aser Arhoni-i (20) minute 48, 52, 58 aser 59 nung goal agütsü.
2. Girls Sports Hostel, Dimapur-i Damsels, Kohima goal 4-0 agi akok. Watijunglai (9) iba saya nung goal 3 agütsü. Lai minute 15, 58 aser 60 nung goal agütsü aser ano Pelevonuo-ia (10)

minute 48buba nung goal ka agüja liasü.

3. Poison Club, IG Academy-i KV, Dimapur madak goal 9-0 agi takok angu. Goal agütsürtemji: Neichutuo-i (8) minute 2, 8, aser 22, Lito-i (10) 5, 13 aser 58, H.shangki-i (11) minute 18 nung; Rokoseno-i (3) minute 26 nung aser Tsarola-i (13) minute 48 nung ta goal agütsü.

Local ground Kohima nung teburtem asaya:

1. SAI-STC, Dimapur-i Christ King HSS Kohima goal 6-0 agi akok. Goal agütsürtemji: Monton Konyak-i (14) minute 28 nung, Viki M Awomi-i (18) minute 35 aser 43; Thaihapi-i (9) minute 48 aser Huvesu-i (4) minute 73 aser 74 nung goal agütsü.
2. Don Bosco, Kohima-i KV Dimapur goal 1-0 agi akok. Asaya nung Mezhukhrietuo

Solo-i (17) minute 20 nung goal agüja liasü.

3. KV Kohima-i 1-0 agi KV Rangapahar madak takok angu. Stephen Kape Ritse-(10) minute 69buba nung goal agütsü.

May 4nü asayatem yamai alitsü:

IG Stadium nung tetsürtem asaya:

1. Christ King HSS Kohima vs Bayavü HS Kohima @ 7am
2. Soccer Damsels Nagaland vs GHS Khonoma @ 10am
3. Young Girl IG Academy vs Girls Sports Hostel Dimapur @ 1pm

Local Ground nung teburtem asaya:

1. State Boys Hostel, Nagaland vs State Sports Academy @ 7am
2. KV Dimapur vs SAI - STC Dimapur @ 10am
3. Christ King HSS Kohima vs Don Bosco Kohima @ 1pm

Kolkata nung Diego Maradona aser Sourav Ganguly football asayatsü

Kolkata, May 03 (Agencies): FIFA U-17 asayatsü ita ka jelia lia Argentina nung football asayar mongin, Diego Maradona September 18-19 nung India semdangtsü.

2008 December nung 1986 World Cup akoker, Maradona India-i aruba sülen tang agi tanabenbuba India semdang asütsü.

"Iba sentong yangluba ya ni

asoshi konang tulu lir. Kolkata ya tesem tajung ka lir aser küm aika tejaklen iba tesem semdangba indang otsü aika ni bilemteter," ta Maradona-i video-conference ka ajanga iba sentong ayonger den jembidang ashi.

Pai iba tesem semdangba mapang September 19 nung taoba mapang India nung cricket asayar captai, Sourav Ganguly den 'charity match' ka asayatsü.

"Iba dang ya 'Match for Unity' ta ajatsü aser iba asaya nung nisung 11 masayatsü. Maradona ya ajaki reprangtetsüsa sentong yanglutsü. Ganguly den nungtugu nisungtem aika alitsü," ta 7d Ventures aser Moksh Sports Venture, (Maradona India-i arutsü asoshi sentong yanglurtem) Founder, Satadru Dutta-i ashi.

Deo Nukhu-i 'foreign trade'...

Vety & Animal Husbandry Government of Nagaland, Commissioner & Secretary, M.K. Mero-ia, agri aser horti aluyimtsü atema Northeast nung temo aketba ali peria jenti lir, anungji item nungji

rangloksüla, ta metetdaksü. Export Import Bank of India General Manager, Deepali Agarwal-i okila jembia liasü aser CII züngsem aser Managing Director, Clairvoyance

Technology, Neisakholie-i lokti pelaa agizük.

Iba sentong tembanga Regional Head EXIM Bank, Anirudha Barooah-i tepela anküp o jembia liasü.



MAY 04, 2018 ASAYA

Delhi VS Gujarat - 8:00 PM

MAY 3, 2017 ASAYA OSANG

Pune-i wickets 4 agi Kolkata akok.

Morning Premier League-3 asaya osang

Kohima, May 03 (TYO): Tang tasayadak aliba Morning Premier League-3 nung Silver White telok asoshi mezüing point tanü nguogo.

Silver White teloki asaya 9buba tanü Merhulietsa Sunriser den asayaba nung goal 2-2 agütsütetba ajanga iba season nung Silver White telok asoshi mezüing point ngutet.

Asaya tenzüker minute asembuba nung Merhulietsa Sunriser telok nungi Asat-i goal ka agütsü aser Silver White

telok nungi Gaynon-i minute 35buba nung iba goal kepzüktet.

Minute 68buba nung Silver White telok nungi Tesah-i goal ka agütsü. Minute 78buba nung Merhulietsa Sunriser telok nungi Chubabai goal ka agütsütet. Iba goal ya 'handball' ta Silver Club nungi asayartemi shiaka referee-i odang asayadaksü. Iba mechi asaya minute ishika anentsüsa aküm. Saka referee-i tatok meshiba sülen iba asaya tembanga asaya.

NBCC-i "Clean Election..." (Tapak 1 nungi...)

"Yimtenren mapa mesüra yimtenren teloktemi asenok tamangba yimsü dak kongshitsüsa mapa inyakdang Arogoi teti iba anema nokdaksüla" ta paisa shisem.

Sentong nung ABAM Executive Secretary, Rev. Dr. Mar Atsongchanger-i o

jembidang "Election nung ochimashi inyakyimtem ajanga Naga loktiliba asoshi tayongzükbä bener arutsüba ajanga Clean Election ya tenzüker. Lennir tajungtem adokba ajanga Naga nung kechisarena ajak nung merüktetsü. Naga nung loktiliba ya kinük ajungalen nungi kümzüka ayutsüla, anungji asenoki Clean Election ya telung tonga ia angateta inyaksüla" ta ashi.

Angami Baptist Church Council Executive Director, Rev.

Dr. Atsi Dolie-ia "Naga nungeri lennirtem shimtsü atema teti election maparen inyaksü aser iba asoshi clean election campaign ya State Assembly elections atema dang masü saka Village Councils, Students' Unions, Municipal aser Town Council elections dena sendakteptsüla" ta ashi.

"Election ajanga arogo züngsemtem tsüngda-a tsükchitep adokdaksür, anungji tangatetba tamajungtem ajanga Arogo manishidaksütsüla" ta Rev Atsi Dolie-isa shisem.

Sentong nung Deputy Director ATI, Dr. Hovithal Sothui "Clean Election Guidelines" indang onük jembia aser Symbios Creations (P) Ltd Managing Director, L. Monkhum Jamir-i "The role of civil society" onük jembia.

BILEMDANGANG

"Anogo tamajungtem ajanga anogo tajungtem tali shisangdaksür"